



Ned ning sēn wa n tug n bas a meng n yi tǎng zug n lut, n ku a mengǎ, a bee Gēhannam Bugmǎ pugě, n lut a pugě, n yaa duumda n yaa paad a pugě lae-lae

Yii a Abu Hurayrat nengě, (Wěnd yard be a yǐnga), ti yii Nabiyaamǎ nengě, (Wěnd puusg la A tǐlgr be a yǐnga) a yeelame: «Ned ning sēn wa n tug n bas a meng n yi tǎng zug n lut, n ku a mengǎ, a bee Gēhannam Bugmǎ pugě, n lut a pugě, n yaa duumda n yaa paad a pugě lae-lae. La ned ning sēn wa n yǔ zēnem n ku a menga, zēnemǎ be a nugě wǎ t'a yǔud-a Gēhannem Bugmǎ pugě, n yaa duumda n yaa paad a pugě lae-lae. La ned ning sēn ku a meng ne kutu, a kutǎ be a nugě wǎ t'a kōsd-a ne a pugǎ, Gēhannam Bugmǎ pugě, n yaa duumda, n yaa paad a pugě lae-lae».

[Naṣun Ṣaḥuḥun (Gom-sikdem sēn manege)] [B zemsa taab a zugu (A Al-Buḥaariy la a Muslim n reeg-a)]

Nabiyaamǎ (Wěnd puusg la A tǐlgr be a yǐnga) bugsa ned ning sēn wa n ku a meng ne pu-toog dǔni wǎ pugě, ti ad b na n nams a soabǎ dǔni yikr raarǎ, Gēhannamǎ pugě, ne sor ninga a sēn tǔ n ku a mengǎ, Bugmǎ wǎ, ti na n yǐ rolb sēn zems ne yě tuumdǎ. Rěnd ned ning sēn lub a meng yǐngri, n ki, a bee Gēhannam Bugmǎ pugě, n lut beeně, n yit Bugmǎ tǎmsǎ n lut a ko-soodě wǎ, t'a yaa duumd a pugě lae-lae. La ned ning sēn yǔ zēnem n ku a menga, a zēnemǎ be a nugě wǎ, t'a furgd-a n yaa duumd a pugě lae-lae. La ned ning sēn ke a meng ne suugǎ, n kōs a pugǎ, n ku a yōorǎ, ad a kuiigǎ be a nusě wǎ, t'a kōsd a mengǎ Gēhannemǎ Bugmǎ pugě, n yaa duumd a pugě lae-lae.

<https://sunnah.global/hadeeth/mos/show/66204>

